

**RAPORTU
N° 2015/O1/025**

ASSEMBLEA DI CORSICA

1^{MA} SEDUTA ORDINARIA DI 2015

REUNIONE DI U 13 MARZU 2015

**RAPORTU DI U SGIÒ
PRESIDENTE DI U CUNSIGLIU ESECUTIVU**

**CREAZIONE DI RISERVE BIOLOGICHE FURESTERE
DI FORCA È FUNTANACCIA**

CUMMISSIONE CUMPETENTE :

CUMMISSIONE DI U SVILUPPU ECUNOMICU, DI
L'ACCUNCIAMENTU DI U TERRITORIU È DI
L'AMBIENTALE

RAPORTU DI U PRESIDENTE DI U CUNSIGLIU ESECUTIVU DI CORSICA
--

OGETTU : Creazione di riserve biologiche forestere di Forca è Funtanaccia

I piani d'accunciamentu foresteru di e foreste di Forca è Funtanaccia prevedenu a creazione d'una riserva biologica forestera in lu so senu.

E riserve biologiche forestere sò spazii protetti in le foreste pubbliche chì portanu à priservà e spezie è l'abitanti. Sò spazii generalmente lasciati à una libera evuluzione naturale, induve l'attività umane sò assai ristrette, bensì interdette ; in questu ultimu casu si tratta di riserve biologiche integrale.

Queste riserve cuntribuiscenu à a presa in contu di a biodiversità in la pulitica forestera. Elle s'integranu in la réta di i spazii protetti à fin di participà à a strategia naziunale per a creazione di i spazii protetti (SCAP).

E foreste chì ponu pretende à custituisce una riserva biologica devenu risponde à u megliu à i criteri seguenti :

- ripresentatività di l'abitazione presente lucalmente,
- presenza d'abitanti « sub-naturali », pocu mudificati da l'omu,
- presenza di scorte faunistiche rimarchevule, spezialmente quelle chì sò testimone d'un bon funziunamentu naturale di l'ecosistema,
- anzianità di a foresta.

A decisione di creazione d'una riserva biologica hè presa cù arrestatu prefetturale, dopu à avisu di u Cunsigliu naziunale di a prutezzione di a natura (CNP) è in accordu di i priuprietarii. Questu arrestatu definiscerà u perimitru, l'ogettivi è a regulamentazione applichevule à questa riserva.

Applicazione à e foreste territoriale di Forca è di Funtanaccia

Furesta Territoriale di Funtanaccia

A foresta di Funtanaccia hè situata in l'estreme sudu di a Corsica nant'à l'ariciale liturale. Si tratta di a foresta entrendu in lu regime foresteru u più meridionale di Corsica. U so potenziale di pruduzione hè debbule assai. E stazione sò povare assai è u potenziale in pedi assente. E sperienze passate di piantazione (pinu pignottu) sò state un fiascu.

Invece ella presenta un potenziale ecologicu rimarchevule : ella hè custituita di duie abitazione cumunitarie di e quale una hè priuritaria è cuntene una pupulazione di tartughe d'Hermann (*Testudo hermanni*). Ella alloghja ugualmente una pupulazione d'anfibiani custituita di 5 spezie d'anoure presente in Corsica. A foresta hè intieramente situata nantu a Zona Speciale di Cunservazione (Natura 2000) Rocapina-Ortolo.

Tempi fà, una attività di leva era presente in la furesta, cum'è l'attesta u muru d'accintu è e ruine d'un anzianu stazzile. Questa attività ùn hè più presente dunque una chjusura impurtante di u spaziu.

A frequentazione turistica in la furesta hè poca impurtante. I visitanti ùn sò presenti chè per u senteru liturale chì a traversa à u meziornu in qualchì centinaia di metri. U principale impegnu hè dunque ecologicu. A gestione pruposta averà per ogettivu a cunservazione di l'abbitatu, a valutazione è a cunservazione di e pupulazione di tertughe d'Hermann è d'anfibiani.

Furesta Territoriale di Forca

A furesta di Forca hè un massicciu chjosu assai accidentatu è ùn hè praticatu chè à pedi. S'è i pupulamenti furesteri sò qualchì volta di qualità, a raccolta di ligname hè impensevule essendu e difficoltà di u rilievu.

Viste isse caratteristiche ambientale (abbitatu priuritaru di pinu lariciu, arburi agrotti per a Nottula di Leisler, pupulazione impurtante di sittelle corse,...), è suciale (cattura per l'alimentazione in acque bievule di a cumuna di Suveria, debbule frequentazione, nisuna sfruttera furestera,...), a cunservazione di l'integrità di i pupulamenti è di l'abbitati naturali di a furesta territoriale di Forca hè una priurità di l'accunciamentu furesteru.

Un indice mezanu di naturalità di 6,7/10 per i pupulamenti studiati (prutocole WWF di u prugramma « Fureste anziane à altu valore di cunservazione »), v'è in issu sensu. A cunservazione di u patrimoni naturalu hè attempu l'impegnu principale è l'oggettivu di gestione durevule per questa furesta territoriale.

Isse duie fureste di Forca è Funtanaccia sò dunque l'oggettu d'una pruposta di messa in riserva biologica furestera essendu ch'elle rispondenu à i criteri requisiti. A totalità di a superfice di e duie fureste hè concernata. Seppuru e caratteristiche di e duie riserve sò sfarente :

	Forca	Funtanaccia
Genere de riserve	Riserva biologica integrale	Riserva biologica dirigitu
Superfice	353 ettare	7,5 ettare
Ogettivu	Libera evuluzione di u spaziu naturale	Salvezza di e spezie animalesche rimarchevule
Gestione	Nisuna intervenzione	Travagli d'accunciamentu di l'abbitati favurevuli à e spezie rimarchevule

S'è a norma di questa creazione hè appruvata, i servizii pruduceranu un pianu di gestione d'isse riserve biologiche à fin di dumandà à so ricunnuscenza ufficiale da e pricure competente.

- d'appurvà a norma di a creazione di riserve biologiche furestere di Forca è di Funtanaccia


- d'auturizà u S. Presidente di u Cunsigliu Esecutivu di Corsica à ingagià tutte e dimarchje necessarie verdi l'auturità cumpetente per finalizà a creazione di isse riserve biologiche furestere.

Vi pregu di ben vulè mette in deliberazione.

ANNESSE

- **Pianu di situazione di e fureste**

Pianu di situazione di e fureste



ASSEMBLEA DI CORSICA

DÉLIBBÉRAZIONE N° 15/ AC DI L'ASSEMBLÉA DI CORSICA
APPRUVENDU A NORMA DI A CREAZIONE DI E RISERVE BIOLOGICHE
FURESTERE DI FORCA È DI FUNTANACCIA

SEDUTA DI U

L'Annu duie mila quindeci, è u _____, l'Assemblea di Corsica, regolarmente convucata s'hè reunita à u numeru prescrittu da a lege, in lu locu abituale di e so sedute, sottu a presidenza di u S. Dumenicu BUCCHINI, Presidente di l'Assemblea di Corsica.

L'ASSEMBLEA DI CORSICA

VISTU u Codice Generale di e Collettività Territoriale, Titulu II - Libru IV - IVma partita,

VISTU u Codice Furesteru, Libru II, Titulu 1^{er}, Capitulu II,

NANTU U raportu di u Presidente di u Cunsigliu Esecutivu di Corsica,

DOPU D'AVENNE DELIBBERATU**ARTICULU PRIMU :**

APPRUVA a norma di a creazione d'una riserva biologica furestera integrale di 353 ettare in furesta territoriale di Forca è d'una riserva biologica furestera dirigita di 7,5 ettare in furesta territoriale di Funtanaccia.

ARTICULU 2 :

AUTORIZEGHJA u S. Presidente di u Cunsigliu Esecutivu di Corsica à realizà e dimarchje visendu à a creazione d'isse duie riserve, cum'è a dumanda d'agrementu verdi l'auturità cumpetente è a messa in piazza di u pianu di gestione

ARTICULU 3 :

A presente deliberazione ferà l'ogettu d'una pubblicazione à i raguagli di l'atti amministrativi di a Cullettività Territoriale di Corsica.

AIACCIU, u

U Presidente di l'Assemblea di Corsica,

Duminicu BUCCHINI